

# L'Ambata

Noi figlioli di u mare  
A le cunfine turchine  
Di stu tempu senza fine  
Eppo la voce è lu cantu  
Chi si sveglia culà ne.

Ci era l'ambata ch'annannava  
A terra brusgiata è calda  
E di le nostre abbracciate  
Un ferma più ch'è la pulvina  
In lu silenziu più supranu.

Duve si sò persi li passi  
Ch'è noi feciamu à cor'offertu  
Per le strade di le cuccagne  
Di stu paese chi tantu trema  
Sottu à lu chjoccu di lu tempu.

Ci ghjoca sempre la mio mente  
Nantu à tutti sti loghi cari  
Chi cum'è l'ore si ne morenu  
E manda via lu battelu  
Di una storia l'orfanellu. Bis

U ventu chjaru di e marine  
Azzizza u focu è l'amore  
S'alluntana lu nostru mondu  
Campa in mè la mio sperenza  
E facciu mei li to guai. Bis

Duve si sò persi li passi  
Ch'è noi feciamu à cor'offertu  
Per le strade di le cuccagne  
Di stu paese chi tantu trema  
Sottu à lu chjoccu di lu tempu.

Duve si sò persi li passi  
Ch'è noi feciamu à cor'offertu  
Per le strade di le cuccagne  
Di stu paese chi tantu trema  
Sottu à lu chjoccu di lu tempu.